

=====

**Poetry of renowned Kashmiri Poets**

**Master Zinda Koul**

Transformed into Standardised Devanagari-Kashmiri by

**M.K.Raina**

=====



## मास्टर ज़िंदु कौल



## सुमरन

सुमरन पनुन्य् दिन्नॉनम, लोलुक निशानु वेसिये ।  
रँछरुन तोगुम नु रोवुम, ओसुम नु बानु वेसिये ॥

पथ कालि छुम नु द्युतुमुत, स्वन म्वख्तु दान वेसिये ।  
अँन्य् सारि क्याह लबख व्वन्य्, तिम म्वख्तु दानु वेसिये ॥

वॉलिंजि मंज़ थवुन गोछ, हावुन थोवुम अथस प्यठ ।  
राह कस छु कोर मे पानस, न्वखसान पानु वेसिये ॥

हावुन छू रावुरावुन, छावुक समर छु खॉमी ।  
थावान छि छावु बापथ, बानन ति ठानु वेसिये ॥

यनु सुय निशानु रोवुम, तनु मँच्च गँमुच्च तु फलुवा ।  
न्युन ह्योन नु कँह ति फेरान छस वानु वानु वेसिये ॥

यछ पछ मु हार, ब्याखा ह्यथ यूर्य वाति कांछा ।  
तस छा कँमी निशानन, बँर्य बँर्य खज़ानु वेसिये ॥

डोलान कोहन वनन मंज़, शोलान छि गुलशनन मंज़ ।  
ज़ोतान छि तारकन मंज़, काँत्याह निशानु वेसिये ॥

व्यसरिथ, डँलिथ, पथर प्यथ, बुथ क्याह दिमय तँमिस निश ।  
पथ फेरनुक्य् पकान छा, यिथ्य् हिव्य् बहानु वेसिये ॥

मानव जि अँस्य् ह्यमव पथ, छोर्या तसुंद मोहबथ ।  
पयवंद यि आदनुक छा शुर्य दोस्तानु वेसिये ॥

दिल फुट्चमुत्यन सु तोशन, यँन्न गॅर्यमुत्यन छु रोशन।  
गछ वॅर्यमुत्यन स्वदामन, पृछ गॉयिबानु वेसिये।।

अँद्य पॅख्य तँती छु आसन, ब्वदु ब्रोर सूरदासुन।  
बोज्ञान छु माय लॉगिथ लोलुक्य तरानु वेसिये।।

★ ★ ★ ★ ★

=====

**Poetry of renowned Kashmiri Poets**

**Master Zinda Koul**

Transformed into Standardised Devanagari-Kashmiri by

**M.K.Raina**

=====